

Till Finlands förfatningssamling nr 234/2016
(Lag om Forststyrelsen)

Tilläggas de samiska översättningarna:

Láhka

Meahciráddhehusas

Riikkabeivviid mearrádusa mielde mearriduvvo:

1 lohku

Oppalaš njuolggadusat

1 §

Lága ulbmil

Dán lágas mearriduvvo Meahciráddhehusas. Meahciráddhehus lea Eana- ja meahccedoallomisteriija vuollásáš ja dan hálldahusuorggis doaibmi stáhta fitnodatlágádus. Birasministeriija stivrendoaimmaid birra mearriduvvo 9 §:s.

Meahciráddhehusa meahccegoziheami birra mearriduvvo sierra lága vuodul.

2 lohku

Meahciráddhehusa doaimmat

2 §

Meahciráddhehusa oppalašdoaibma

Meahciráddhehus geavaha, dikšu ja suodjala iežas hálddašeami vuollásáš stáhta eana- ja čähceopmodaga bisteavaš vuogi mielde. Meahciráddhehus galgá doaibmat boadusulbmiliin.

Meahciráddhehus bargá doaibmasuoggistis fitnodatdoaimmain dán lágas mearriduvvon ja stáhta bušeautas dárkkálmuhhton servodatlaš geatnegahttimiid olis ja dikšu dasa mearriduvvon almmolaš hálldahusdoaimmaid.

Meahciráddhehus doaibmá fitnodekonomalaš prinsíhpaid sikhke Riikkabeivviid dasa dohk-kehan bálvalusulbmiliid ja eará doaibmaulbmiliid mielde.

3 §

Fitnodatdoaimma doaibmasuorgi

Meahciráddhehusa fitnodatdoaimma doaibmasuorgin lea dan hálddašanválldi vuollásáš stáhta eana- ja čähceopmodaga ekonomalaš ávkínatnin silke eana- ja čähceopmodaga hálddašanválldái guoskevaš fitnodatdoaimmain bargi nieida- ja osolašfitnodatservviid ossosiid stivren.

Dáinna ulbmiliin Meahciráddhehus:

- 1) bargá vuovdedoaluin ja doaimmaha muorramateriála áššehasaide;
- 2) bargá eanaávnasfitnodatdoaimmain;

3) bargá eana- ja čáhceguovlluide guoskevaš láigohan- ja vuovdindoaimmain; ja

4) bargá eana- ja čáhceguovlluide guoskevaš fidno- ja ovddidandoaimmain.

Meahcirádđehus oažžu dasa lassin bargat siepmán- ja vesábuvttademiin sihke dan doaibmasuorgái gullevaš eará eana- ja čáhceopmodaga ekonomalaš ávkinatnimiin.

Vuovdedoaluiin Meahcirádđehus bargá stáhta vuovdedoalloasussearvvvis addojuvvon lágas (235/2016) oaivvilduvvon oasussearvvvis.

Meahcirádđehus vástida iežas nieida- ja osolašovttastumiid oamasteaddjistivremis nu go stáhta fitnodatsearveoamasteamis ja oamasteaddjibagadallamis addojuvvon lága (1368/2007) 6 §:s mearriduvvo.

4 §

Meahcirádđehuskonseardna

Meahcirádđehusas sáhttá leat dan fitnodatdoaimma dahje dasa čujuhuvvon almmolaš hálldahusdoaimmaid dikšumii guoskevaš ovta dahje moanain suopmelaš dahje olgoriikalaš fitnodagain ruhtadoallolága (1336/1997) 1 logu 5 ja 6 §:s oaivvilduvvon mearridanváldi. Fitnodagat, main Meahcirádđehusas lea mearridanváldi, leat Meahcirádđehusa nieidafitnodagat. Meahcirádđehusas ja dan nieidafitnodagain čohkiida Meahcirádđehuskonseardna.

Jos nieidafitnodaga ossosiid árvu lea mearkkašahti dahje Meahcirádđehusa ja nieidafitnodaga fitnodatgaskavuoda galgá mudui atnit mearkkašahttin, de nieidafitnodagaid vuodđudeapmái, nieidafitnodaga ossosiid háhkamii ja luohpadeapmái dárbbasuuvvo stáhtarádi lohpi. Stáhtarádi lohpi dárbbasuuvvo maiddái dalle, jos lea jearaldat sullasaš mearkkašahti oso-lašvuoda dahje lahttovuoda háhkamis dahje luohpadeamis eará fitnodagas go nieidafitnodagas. Giddodatopmodaga luohpadeamis čuvvojuvvo goittotge láhka (973/2002; láhka vuogat-vuodas luohpadit stáhta giddodatopmodaga).

Meahcirádđehus ja dan vuovdedoallofitnodatdoaimmain bargi nieidafitnodat leat nubbi nuppi ektui almmolaš háhkamiin addojuvvon lágas (348/2007) 12 §:s oaivvilduvvon gaskavuodas. Meahcirádđehus ja dan nieidafitnodat sáhttiba oastit njuolgga nubbi nuppis bálvalusaaid.

Meahcirádđehus ii oaččo addit iežas nieidafitnodahkii konseardnaruhtadoarjaga.

Dárkilet njuolggadusat Meahcirádđehusa nieidafitnodagaid fitnodatdoaimma gullamis Meahcirádđehusa fitnodatdoibmii, nieidafitnodagaid ossosiid árvvu mearkkašahtivuodas sihke Meahcirádđehusa ja nieidafitnodagaid fitnodatsearvvi mearkkašahtivuodas addojuvvojít dárbbu mielde stáhtarádi ásahusa vuodul.

5 §

Almmolaš hálldahusdoaimmat

Meahcirádđehus dikšu ja geavaha iežas hálldašanválddi vuollásaš almmolaš hálldahusdoaimmaid dikšuma várás oaivvilduvvon eana- ja čáhceopmodaga. Almmolaš hálldahusdoaimmaid dikšumii oaivvilduvvon stáhta eana- ja čáhceopmodagas ii leat ekonomalaš gánnehangáibádus.

Meahcirádđehus dikšu dasa mearriduvvon almmolaš hálldahusdoaimmaid, maidda gullet:

1) luonddusuodjalylanlágas (1096/1996) sihke dan ja jagi 1923 luonddusuodjalylanlága (71/1923) vuodul ásahuvvon luonddusuodjalanguovlluide guoskevaš njuolggadusaide vuodđuduvvi doaimmat, luondotiippaid ja šlájaid suodjaleapmái guoskevaš eará doaimmat sihke luonddusuodjalanguovlluid háhkan;

2) luonddusuodjalanguovlofierpmádaga dikšun ja geavaheapmi sihke Meahcirádđehusa almmolaš hálldahusdoaimmaid dikšumii oaivvilduvvon eará eana- ja čáhceguovlluid sihke eará opmodaga dikšun;

3) luonddu lustageavaheapmái guoskevaš luonddu- ja vánddardanbálvalusaid bvvttadeapmi sihke kulturopmodaga gáhtten;

4) meahcceguovlolágas (62/1991), guolástanlágas (379/2015), nuortalašlágas (253/1995), meahccejohtaluslágas (1710/1995), meahcástanlágas (615/1993), cáziidikšuma ja mearadikšuma lágideamis addojuvvon lágas (1299/2004), gádjunlágas (379/2011), boazodoalololágas (848/1990), boazodoalu ja luondduealáhusaid struktuvradoarjagiin addojuvvon lágas (986/2011) ja olgolikhadanlágas (606/1973) mearriduvvon doaimmat;

5) fuoddo- ja guolledollui guoskevaš fitnuid ollašuhttin sihke meahcástan- ja guolástanlobiidi miediheapmi;

6) Meahcirádddehusa meahccegoziheamis addojuvvon lágas (1157/2005) oaivvilduvvon meahccegoziheapmi;

7) vuovdemuoraid siepmanniid háhkamii ja sihkkarvuodavurkemii guoskevaš doaimmat.

3 lohku

Doibmii guoskevaš geatnegahttimat

6 §

Oppalaš servodatlaš geatnegahttimat

Luondduriggodagaid bistevaš dikšuma ja geavaheami mávssolaš oassin Meahcirádddehus galgá doarvái bures váldit vuhtii biologalaš mánjggahápmásasuoda suodjaleami ja vuogálaš lasiheami vuvddiid, meara ja eará luondduriggodagaid dikšumii, geavaheapmái ja suodjaleapmái ásahuvvon eará ulbmiliigui. Meahcirádddehus galgá dasa lassin váldit vuhtii luonddu lustageavaheami sihke barggolašvuoda ovddideami gáibádusaid.

Meahcirádddehusa hálldašanválldi vuollásáš luondduriggodagaid dikšun, geavaheapmi ja suodjaleapmi galget heivehuvvot oktii sámediggelágas (974/1995) oaivvilduvvon sámiid ruovttuguovllus nu, ahte sámekultuvrrain bargama vejolašvuodat dorvvastuvvojit, sihke boazodoalololágas oaivvilduvvon boazodoalloguovllus nu, ahte boazodoalololágas mearriduvvon geatnegahttimat ollašuhttojt.

Meahcirádddehus ráhkkana dikšut doaimmaidis maiddái spiehkastatdilálašvuodain nu, ahte čuovvu Eana- ja meahccedoalloministeriija ja bealuštangiddodagaid hárrái Bealuštanministeriija mearrádusaid. Meahcirádddehus čuovvu dasa lassin bealuštangiddodagaid ja daid sadjebálvalusaid hárrái Bealuštanministeriija dorvvolašvuodamearrádusaid.

Meahcirádddehus addá gádjuneiseválldiide ášshedovdiveahki vuovdebuollimiid dustemis ja ráhkkana ieš vuovdebuollimiid eastadeapmái ja dustemii iežas hálldašan stáhtaetnamiin searválagaid gádjuneiseválldiigui.

Oppalas servodatlaš geatnegahttimiid dikšun váldojuvvo vuhtii Meahcirádddehusa boađusulbmiliid ásahettiin.

7 §

Eará servodatlaš geatnegahttimat

Meahcirádddehusa doaimmas váldojuvvojit vuhtii dutkama, oahpahusa, bealuštanfámuid ja rádjegozihanolágadusa dárbbut.

4 lohku

Meahciráððehusa stivren

8 §

Riikkabeivviid ja stáhtaráði stivrendoaibmaváldi

Stáhta bušehta giedahallama oktavuodas Riikkabeaivvit:

- 1) dohkkeha Meahciráððehusa guovddáš bálvalanulbmiliid ja eará doaibmaulbmiliid;
- 2) dohkkeha Meahciráððehusa vuodðooaiveopmodaga bajádusa ja vuoládusa sihke mearrida mearreruða váldimis bušehttii miedíhanláhkai Meahciráððehusa vuodðooaiveopmodaga bajideapmai;
- 3) suovvá Meahciráððehusa váldit iežas fitnodatdoaimma ruhtadan dihte loana;
- 4) dohkkeha Meahciráððehusa fitnodatdoaimma hárrái ruhtadoallobajji investeremiid alimusmeari sihke fápmudusa dakhkár investerensoahpamušaid, main šadet golut daidda manjít ruhtadoallobajjiide.

Stáhtaráðdi addá dárbbu mielde oppalašmearrádusaid Meahciráððehusa doaimmas ja ekonomijas.

9 §

Ministerija stivrendoaibmaváldi

Eana- ja meahccedoalloministerija boađustivre Meahciráððehusa. Birasministerija boålusstvre Meahciráððehusa almmolaš hálddahusdoaimmaid hárrái doaibmasuorggistis.

Go Riikkabeaivvit lea mearridan stáhtabušeahdas, de guoskevaš ministerija mearrida Meahciráððehusa bálvalanulbmiliin ja eará doaibmaulbmiliin, Meahciráððehusa boadusulbilis ja boahunmerkenulbmiliis sihke dárbbu mielde vuodðooaiveopmodahkii nuppástussii guoskevaš Riikkabeivviid mearrádusa ollašuhttimis. Boadusulbmil galgá biddjojuvvot nu, ahte Meahciráððehus sáhttá juksat 8 §:a 1 momeantta 1 čuoggás oaivvilduvvon, fitnodekonomalačcat gánnehahti bálvalanulbmiliid ja eará doaibmaulbmiliid.

Ovdalis 1 momeanttas oaivvilduvvon ministerija mearrida 28 §:s oaivvilduvvon mearreruða geavaheamis ja dan máksimis.

5 lohku

Meahciráððehusa organisašuvdna ja hálddahus

10 §

Meahciráððehusa organisašuvdna

Meahciráððehusas leat stivra ja beaivválaš jođiheaddji sihke sierra almmolaš hálddahusdoaimmaid dikšu ovttadat.

Meahciráððehusas leat eará ovttadagat ja doaimmat dan mielde, go bargoortnegis mearriduvvo.

11 §

Stivra

Meahciráððehusas lea stivra, mas leat eanemustá gávcci lahtu.

Stáhtaráðði nammada stivrra lahtuid guhkimustá golmma jahkái hávil ja mearrida lahtuin ovta ságadoallin ja ovta várreságadoallin. Stivrra lahttu galgá leat gilvalandilálašvuoda gábindan vuogi mielde sorjasmahtun. Uhcimustá okta stivrra lahtuin galgá ovddastit Meahciráððehuskonseartna bargoveaga. Bargoveaga ovddasteaddji lahttu galgá leat Meahciráððehusa dahje dan nieidafitnodatsearvvi bálvalusas. Meahciráððehusa beaivválaš jodiheaddji ii sahte doaibmat stivrra lahttun.

Stivrra lahttui heivehuvvo, mii oasussearvelága (624/2006) 6 logu 4 §:s mearriduvvo oasusearvvi stivrra lahtu easttalašvuoda ja 10 §:a 1 momeanttas dohkálašvuodas.

Stáhtaráðði luoitá stivrra dahje dan lahtu doaimmastis.

12 §

Stivrra doaimmat

Stivra stivre ja goziha Meahciráððehusa doaimma. Stivra fuolaha Meahciráððehusa strategijalaš jodiheamis, stivremis ja doaimma vuogálaš lágideamis. Dasa lassin stivra fuolaha das, ahte Meahciráððehusa ruhtadoalu ja rudaiddikšuma goziheapmi lea áššáigullevaš vuogi mielde lágiduvvon ja erenoamážit das, ahte Meahciráððehus doaibmá Riikkabeivviid ja eará ei-seválddiid mearrádusaid ja njuolggadusaid mielde.

Stivra galgá:

1) dakhak árvalusa Meahciráððehussii guoskevaš bušeahettaevttohussan sihke dasa guoskevaš árvalusa, mas bohtet ovdan Meahciráððehusa čuovvovaš lagi bálvalanulbmilat ja eará doaibaulbmilat sihke boadusulbmil ja boahntunmerkenulbmil;

2) mearridit Meahciráððehusa doaimma ovddideamis Riikkabeivviid ja ministerija ásahan doibmii guoskevaš ja ekonomalaš ulbmiliid olis sihke čuovvut ja raporteret ulbmiliid juksamis;

3) addit cealkámuša beaivválaš jodiheaddji, luondubálvalushoavdda ja meahccegeavahanhoavdda nammadeamis;

4) mearridit Meahciráððehusa loatnaváldimis;

5) mearridit Meahciráððehusa mearkkašahtti investeremiin ja eará guhkásváikkuheaddji goluin;

6) mearridit Meahciráððehusa stivren ossosiid hárrái oasusoamasteaddjái gullevaš vuogatvuodaid geavaheamis Meahciráððehuskonserdnii gullevaš nieidafitnodaga hálldahusas;

7) dakhak Meahciráððehusa ja Meahciráððehuskonseartna ruhtadoalloaloahpaheami ja doaibmačilgehusa ja daid ektui dakhak árvalusa Meahciráððehusa vuottuide dahje dáhpagiidda guoskevaš doaibmabidjun sihke doaimmahit ruhtadoalloaloahpaheami ja árvalusa stáhtarádi nannenlákai;

8) mearridit dain oassebeliin, main lea vuogatvuohta čállit Meahciráððehusa namas;

9) dohkkehít luondduriggodagaid geavaheapmái guoskevaš guvllolaš plánaid;

10) mearridit giddodatopmodaga háhkamii, sihke dakko bokte go stáhta giddodatopmodaga luohpadanlágas mearriduvvo, giddodatopmodaga luohpadeapmái ja láigoheapmái guoskevaš mearridanválddi lágideamis Meahciráððehusas;

11) mearridit fitnodatlágádusa njunnošiid bálkkasanvuogádagas;

12) giedħahallat ja čoavdit eará go 1—11 čuoggás oaivvilduvvon áššiid, main lea guhkásváikkuheaddji dahje dehálaš mearkkašupmi.

Stivra dahje stivrra lahttui ii oaččo čuovvut stivrra dahkan mearrádusa, mii rihkku dán lága njuolggadusaid ja lea danin gustomeahttun.

Stivrra doaimmain almmolaš hálddahusdoaimmaid stivremis ja goziheamis mearriduvvo 19 §:s.

13 §

Bargoveaga ovddasteaddji stivrras

Stivras Meahciráðdehuskonseartna bargoveaga ovddasteaddji lahtus leat seamma vuogatvuodat ja geatnegasvuodat go stivrra eará lahtuin. Bargoveaga ovddasteaddji lahtus ii goittotge leat vuogatvuohta oassálastit Meahciráðdehusa njunnošiid válljemii dahje earuheapmái, njunnošiid soahpamušeavttuide, bargoveaga bálvalangaskavuoda dahje bargodáistalandoaimmaide guoskevaš áššiid giedahallamii.

14 §

Beaivválaš joðiheaddji

Meahciráðdehusas lea beaivválaš joðiheaddji, mii jodiha ja ovddida Meahciráðdehusa doaimma, fuolaha Meahciráðdehusa beaivválaš hálddahusas ja das ahte ruhtadoallu lea lága mielde ja ruðaiddikšun luohtehahti vuogi mielde lágiduvvon.

Beaivválaš joðiheaddji galgá fuolahit stivrra mearrádusaid ollašuhttimis ja čuovvut stivrra mearrádusaid ja diedihit stivrii Meahciráðdehusa doaimma dáfus mearkkašahti doaibmabijuin ja dáhpáhusain.

Beaivválaš joðiheaddji oažžu álgit, go válđá vuhtii Meahciráðdehusa doaimma viidodaga ja šlája, eahpedábálaš dahje guhkásváikkuheaddji doaimmaide dušše dalle, jos stivra lea su dasa fápmudan dahje stivrra mearrádusa ii sáhte vuordigoahtit, almmá ahte čuohcá mealgat Meahciráðdehusa doibmii. Majit dáhpáhusas stivrii galgá farggamusat dieđihuvvot jurddašuvvon doaimmain.

Dat, mii 11 §:a 3 momeanttas mearriduvvo stivrra lahtu easttalašvuodas ja dohkálašvuodas ja 12 §:a 3 momeanttas geatnegasvuodas guođđit čuovokeahttá gustomeahttun mearrádusa, heivehuvvo maiddái beaivválaš joðiheaddjái. Beaivválaš joðiheaddjis lea bajimus hoavdda árvonamma.

15 §

Almmolaš hálddahusdoaimmaid dikšu ovttadat

Meahciráðdehusas dan bargun ásahuvvon almmolaš hálddahusdoaimmaid dikšu sierra almmolaš hálddahusdoaimmaid ovttadat, man hoavdan doaibmá luonddubálvalushoavda.

6 lohku

Almmolaš hálddahusdoaimmaid dikšun

16 §

Almmolaš hálddahusdoaimmaid dikšu ovttadaga doaimmat

Almmolaš hálddahusdoaimmaid dikšu ovttadat västida 5 §:s oaivvilduvvon, Meahciráðdehusa bargun mearriduvvon almmolaš hálddahusdoaimmaid dikšumis.

Ovttadat válmmaštallá ja árvala almmolaš hálldahusdoaimmaid dikšunáššiid Meahciráddhehusa stivrii.

17 §

Luonddubálvalushoavdda ja meahccegeavahanhoavdda doaimmat

Luonddubálvalushoavda dikšu daid almmolaš hálldahusbargguide guoskevaš doaimmaid, mat eai 2 momeantta dahje 12 dahje 14 §:a mielde gula stivrii, beaivválaš jođiheaddjái dahje meahccegeavahanhvödii. Earret stivrra maiddái luonddubálvalushoavda dohkkeha ja vuolláičállá 33 §:a 1 momeanttas oaivvilduvvon sierra ruhtadoalloloahpaheami.

Meahccebivdui, guolástussii ja meahccegoziheapmái guoskevaš almmolaš hálldahusdoaimmaid (*meahccegeavahanáššit*), mat 1 momeantta mielde eai gula stivrii dahje beaivválaš jođiheaddjái, dikšu goittotge almmolaš hálldahusdoaimmaid dikšu ovttadagas meahccegeavahanhoavda.

18 §

Almmolaš hálldahusdoaimmaid čoavdinváldi

Luonddubálvalushoavda čoavdá 5 §:s oaivvilduvvon almmolaš hálldahusdoaimmaide guoskevaš hálldahusáššiid ja almmolaš hálldahusdoaimmaid dikšu ovttadahkii guoskevaš eiseváldéáššiid. Guolástussii, meahccebivdui ja meahccegoziheapmái guoskevaš áššiid sihke namuhuvvon doaimmaid dikšu bargovehkii guoskevaš áššiid čoavdá goittotge meahccegeavahanhoavda.

Meahccejohtaluslága 4 §:s, guolástanlága 5 §:s ja meahcástanlága 6 §:s oaivvilduvvon lobii-de dahje mearráusaide Meahciráddhehusa hálldašanválddi vuollásas guovllu geavaheamis dieid lágaid mielde mearriduvvon ulbmilii sáhttá nannet guvllolaš dihtoeriid.

Ovdalis 2 momeanttas oaivvilduvvon dihtoeriid olis luonddubálvalushoavda sáhttá dagahit meahccejohtaluslága 4 §:s ja meahccegeavahanhoavda guolástanlága 5 §:s ja meahcástanlága 6 §:s oaivvilduvvon ovttaskas lobiide guoskevaš mearrádusa Meahciráddhehusa virgeolbmui dahje Meahciráddhehusa bálvalusas leahkki dakkár olbmui dahje olggobeale servošii, maid sorjjasmeahttunvuoda, luohtehahttivuoda, áššedovdamuša ja eará áššiid, mat galget váldojuvvot vuhtii, galgá atnit heivvolažžan dien doibmii. Meahciráddhehusa ja lobiid mieđiheaddjii eará olggobeale servoša doibmii heivehuvvo dákkó bokte, mii hálldahuslágas (434/2003), eiseváldiid doaimma almmolašvuodas addojuvvon lágas (621/1999), giellálágas (423/2003) ja sámi giellálágas (1086/2003) mearriduvvo sihke dasa lassin, mii ríhkoslágas (39/1889) mearriduvvo ríhkosvuoigatvuodalaš virgevásttu.

Ovdalis 3 momeanttas oaivvilduvvon áššiide guoskevaš ovttaskas lobi sáhttá addit maiddái mašiinnalačcat ja mearrádusa sáhttá dahkat almmá árvalusaid dahkama.

Earret luonddusuodjalanguovllu ja vánndardanguovllu ortnenjuolggadusa addima sihke earret 2 momeanttas mearriduvvon dihtoeriid nannema luonddubálvalushoavda ja meahccegeavahanhoavda oažžuba čálalačcat sirdit sudnuide dán paragráfa mielde gullevaš čoavdinválddi eará almmolaš hálldahusdoaimmaid ovttadaga virgeolbmui.

Guvllolaš dihtoeriid nannenmearrádus galgá addojuvvot diehtun oppalašdiehtunaddimin hálldahuslága 62 §:a mielde.

19 §

Almmolaš hálldahusdoaimmaid stivren ja goziheapmi

Eana- ja meahccedoalloministerija ja Birasministerija stivreba ja goziheaba iežaska doaibmasurggiid hárrái Meahciráđđehussii gullevaš almmolaš hálldahusdoaimmaid dikšuma nu go virgebáikkiid ja lágadusaid doaimma stivremis ja goziheamis sierra mearriduvvo.

Ovdalis 1 momeanttas oaivvilduvvon ministerijaid stivrema ja goziheami olis Meahciráđđehusa stivra:

- 1) fuolaha almmolaš hálldahusdoaimmaid dikšuma oppalaš stivremis ja goziheamis;
- 2) fuolaha das, ahte doaimmat dikšojuvvojtí Riikkabeivviid ja eará eiseválddiid mearrádu-said ja njuolggadusaid mielde ja ahte almmolaš hálldahusdoaimmaid ruhtadoalu ja ruđaid-dikšuma goziheapmi lea áššaigullevaš vuogi mielde lágiduvvon;
- 3) mearrida áššiin, dan manjá go lea ožžon almmolaš hálldašandoaimmaide ovttadaga árv-lusa, mat ásahuvvojtí 12 §:a 2 momeantta 1, 2, 6—8, 10 ja 11 čuoggás.

Ovdalis 1 momeanttas oaivvilduvvon ministerijaid stivrema ja goziheami olis Meahciráđđehusa beaivválaš jodíheaddji vástida Meahciráđđehussii gullevaš almmolaš hálldahus-doaimmaid dikšuma oppalaš jodiheamis ja ovddideamis sihke fuolaha das, ahte 33 §:a 1 mo-meanttas oaivvilduvvon sierra ruhtadoallu lea lágalaš ja sierra ruhtadoalloaloahpaheapmi lea áššaigullevaš vuogi mielde dahkkojuvvon ja ahte almmolaš hálldahusdoaimmaid dikšumii guoskevaš ruđaiddikšun lea luohtehahti vuogi mielde lágiduvvon.

20 §

Vástu almmolaš hálldahusdoaimmaid dikšumis

Meahciráđđehusa almmolaš hálldahusdoaimma dikšuma dagahan vahága buhtemis lea fámus, mii virgevásttu vuodul šaddan vahága buhtemis sierra mearriduvvo.

21 §

Nuppástusohcan

Nuppástusohcamis luonddusuodjalanylága vuodul dahkkojuvvon Meahciráđđehusa mearrádussii mearriduvvo namuhuvvon lágas.

Eará go 1 momeanttas dahje 18 §:a 3 momeanttas oaivvilduvvon ovttaskas lohpái guoskevaš mearrádussii oažžu ohcat nuppástusa váidimiin hálldahusriktái nu go hálldahuslákageava-hanlágas (586/1996) mearriduvvo.

Ovdalis 2 momeanttas oaivvilduvvon mearrádusa sáhttá ollašuhttit nuppástusohcamis fuola-kehattá. Nuppástusohcaneiseváldi sáhttá goittotge gieldit mearrádusa ollašuhttimi.

22 §

Nuppástusohcan ovttaskas lohpemearrádussii

Ovdalis 18 §:a 3 momeanttas oaivvilduvvon ovttaskas lohpái guoskevaš mearrádussii oažžu gáibidit njulgema Meahciráđđehusas nu go hálldahuslágas mearriduvvo.

Njulgengáibádussii addojuvvon Meahciráđđehusa mearrádussii oažžu ohcat nuppástusa váidimiin hálldahusriktái nu go hálldahuslágageavaheampilágas mearriduvvo.

Hálldahusrievtti mearrádussii oažžu ohcat nuppástusa váidimiin dušše dalle, jos Alimus hálldahusrikti miediha váidinlobi.

Ovdalis 1 momeanttas oaivvilduvvon ovttaskas lohpái guoskevaš mearrádusa sáhttá ol-lašuhttit nuppástusohcamis fuolakeahttá. Nuppástusohcaneiseváldi sáhttá goittotge gieldit mearrádusa ollašuhttimá.

23 §

Doaibmaválddálaš hálldahusriekti

Doaibmaválddálaš lea dat hálldahusriekti, man duopmobires mearrádusa vuollásaš guovlu-dahje eanaš oassi das lea. Jos dán ákka ii sáhte geavahit, de doaibmaválddálaš lea dat hálldahusriekti, man duopmobire siste váidi ruovttubáiki lea.

24 §

Almmolaš hálldahusdoaimmaid dikšumii guoskevaš mágssut

Meahciráddhehusa almmolaš hálldahusdoaimmaide guoskevaš bálvalanmágssuid mearri-deamis, maŋjonanreanttus, mágssuid bearramis ja doaibmaválddis mágssuin mearridettiin mearriduvvo stáhta máksinággalágas (150/1992). Almmolaš hálldahusdoibmii gullevaš bálvalanmáksui guoskevaš nuppástusohcamis mearriduvvo namuhuvvon lága 11 b §:s.

Nuppeláhkai, go ovdalis 1 momeanttas mearriduvvo:

1) Giema ja Durdnosa gávpogiid ássiin lea vuogatvuhta bividit meahci Meahciráddhehusa čujuhan guovlluin Meahciráddhehusa mearridan eavttuiguin dakkár mágssuin, mii vástida iešgoastidanárvvu;

2) gieldalaččas lea vuogatvuhta geavahit iežas ruovttugildii gullevaš, Meahciráddhehusa hálldaašanválddi vuollásaš guovllu nuvttá meahccejohtaluslágas daddjojuvvon meahccejohtalussii.

Mágssu Meahciráddhehusa almmosvuogatvuodalaš bálvalusas sáhttá njuolgga bággbearrat. Dan bearramis mearriduvvo vearuid ja mágssuid ollašuhttimis addojuvvon lágas (706/2007).

7 lohku

Meahciráddhehusa ekonomija

25 §

Iežas oaiiveopmodat

Meahciráddhehusas lea iežas oaiiveopmodat, mii čohkiida vuodđooaiveopmodagas, eará iežas oaiiveopmodagas ja árvabajidanfoanddas.

Vuodđooaiveopmodat lea fitnodatlágádussii investerejuvvon vuottu boahturnmerkema vuodđun adnojuvvon oaiiveopmodat.

Eará iežas oaiiveopmodat lea Meahciráddhehussii dan vuottus čujuhuvvon oaiiveopmodat dahje dakkár oaiiveopmodat, mii lea sirdojuvvvon dasa eará iežas oaiiveopmodaga eavttuiguin. Árvabajidanfoanda čujuha máksojuvvon geavahanopmodaga árvvu bajádusa meari. Eará iežas oaiiveopmodaga ja árvabajidanfoandda sáhttá sirdit vuodđooaiveopmodahkan.

26 §

Almmolaš hálldahusdoaimmaid dikšumii oaivvilduvvon opmodat

Almmolaš hálldahusdoaimmaid várás Meahciráððehus hálddaša stáhta oamastan luondusuodjalanguovlluid ja meahcceguovlluid, eará suodjalanulbmilič čujuhuvvon dahje háhkkojuvvon guovlluid sihke eará almmolaš hálldahusdoaimmaid dikšuma dáfus dárbbašlaš opmodaga. Almmolaš hálldahusdoaimmaid dikšumii oaivvilduvvon opmodat gullá Meahciráððehusa eará iežas oaiveopmodahkii.

27 §

Meahciráððehusa loanat ja dáhkádusat

Meahciráððehus oažzu váldit iežas doaimma ruhtadan dihte loana dan guorraseami olis, maid Riikkabeivvit lea addán stáhtabušehta giedħallama oktavuodas.

Meahciráððehusas lea vuogatvuohta fitnodatdoaimmatis geavahit olggobealle oassebeallai oaivvilduvvon dáhkádusa, jos dáhkádusa addindárbu vuodđuduuvvá láhkii dahje gilvalandilis čuvvojuvvon oppalačcat dohkkehuvvon prinsihpaide. Riikkabeaivvit mearrida stáhta bušehta giedħallama oktavuodas dáhkádusaid alimusmeari. Meahciráððehus ii oaččo mieđihit dáhkádusa dahje addit bántta fitnodatdoaimmain bargi nieidafitnodatsearvvi loana máksima dáhkádussan.

Meahciráððehusa váldin loanain ja dan addin dáhkádusain berrojuvvo stáhtii stáhta loataaddimis sihke stáhtadáhkádusas addojuvvon lága (449/1988) mielde mearriduvvon dáhkádusmáksu.

Stáhtarádi ásahusa vuođul addojuvvojít dárkilet njuolggadusat 1 momeanttas oaivvilduvvon loana váldimis, loatnaváldima eavttuin ja loana geavahanulbmiliin, fitnodatdoaimmas geavahit oaivvilduvvon dáhkádusaid geavaheamis ja šlájas sihke 3 momeanttas oaivvilduvvon málvssu mearrašuvvamis ja bearramis.

28 §

Almmolaš hálldahusdoaimmaid ruhtadeapmi

Meahciráððehusa almmolaš hálldahusdoaimmaid dikšun ruhtaduvvo stáhta bušeatas sierra čujuhuvvon mearreruđaiguin sihke almmolaš hálldahusdoaimmaid dikšumis boahtti málvssuiguin ja vuottiguin. Almmolaš hálldahusdoaimmaid dikšuma sáhttá ruhtadit maiddái almmolaš fidnoruđaiguin.

8 lohku

Meahciráððehusa bargoveahka

29 §

Bargoveahka

Meahciráððehusa bargoveaga dábáleamos bálvalangaskavuohta lea bargosoahpamušgaska-vuohta. Bargiid, geat barget virggálaš válddi sittisdoalli doaimmaiguin, bálvalangaskavuohta lea goittotge virgegaskavuohta, jos lágas ii nuppeláhkai mearriduvvo.

Meahciráððehusa virgeolbmuida, virggiide ja virgegaskavuhtii heivehuvvojit stáhta virgegaskavuhtii guoskevaš njuolggadusat.

Meahciráððehussii guoskevaš virgeeaktosoahpamuša hárrái lea fámus, mii stáhta virgeeaktosoahpamušlágas (664/1970) lea mearriduvvon, earret lága 3 §:a 3 momeantta 2 ja 4 čuoggáid ja 4 momeantta, 4 §:a 2 ja 3 momeantta, 5 §:a 4 ja 5 momeantta ja 26 §:a. Stáhta virgeeaktosoahpamušlákha heivehuvvo Meahciráððehussii rievdaduvvon hámis nu ahte:

1) nuppeláhkai go lága 3 §:a 3 momeantta 1 čuoggás daddjojuvvo, de Meahciráððehusa virgeeaktosoahpamuša ráddádallan- ja soahpamušoassebeallin lea bargoaddi beales Meahciráððehus dahje dakkár registrerejuvvon ovttastus, mii galggašii vuosttažettiin gozihit bargoaddiid ovdduid virgegaskavuodain ja masa Meahciráððehus ovta dahje moanain oktavuodain gullá;

2) nuppeláhkai go lága 5 §:a 1 momeantta 1 čuoggás daddjojuvvo, de virgeeaktosoahpamušii leat čadnojuvvon Meahciráððehus ja soahpamuša dan beales dahkan bargoaddiovttastus ja dan vuolleovttastusat;

3) nuppeláhkai go lága 5 §:a 2 momeanttas daddjojuvvo, de Meahciráððehus sáhttá mearrit virgeolbmuidis bálvalangaskavuodaeavttuid fuonibun go dat leat dan sohppojuvvon virgeeaktosoahpamušas mearritkeahttá nu ahte virgeeaktosoahpamuša muđui dan hehtte;

4) lága 6 §:a 2 momeanttas oaivvilduvvon eretcealkinuoigatvuhta lea maiddái ovddit čuoggás 1 oaivvilduvvon bargoaddiovttastusa vuolleovttastusas; ja

5) mii lága 3 §:a 3 momeantta 3 čuoggás, 5 §:a 6 ja 7 momeanttas, 8 §:a 3 ja 4 momeanttas, 12 ja 18 §:s, 19 §:a 2 momeanttas ja 24 §:s mearriduvvo stáhtas dahje stáhta ráddádalaneiseválddis, guoská Meahciráððehussii ja ovdalis 1 čuoggás oaivvilduvvon bargoaddiovttastussii.

Dat, mii eará lágas lea mearriduvvon stáhta ráddádallaneiseválddi dahje stáhta eiseválddi vuogatvuodas dahkan virge- ja bargoeaktosoahpamušaid dahje daidda buohtastahti soahpamušaid, guoská Meahciráððehusa bargoveaga bálvalangaskavuodá eavttuid hárrái Meahciráððehussii ja njuolggadusaidis mielde 3 momeantta 1 čuoggás oaivvilduvvon bargoaddiovttastussii.

30 §

Bargoveaga dohkálašvuodagáibádusat

Beaivválaš jodiheaddjin dohkálašvuodagáibádussan lea doibmii heivvolaš bajit allaskuvladutkkus, fitnodatdoalu ja Meahciráððehusa doaibmasuorgi dovdamuš sihke jodihanhárjánupmi ja geavadis čájehuvvon jodíhanmáhrttu.

Luondubálvalushoavdda ja meahccegeavahanhoavdda virggi dohkálašvuodagáibádussan lea heivvolaš bajit allaskuvladutkkus, hájánupmi virggi doaibmasuorgái sihke jodihanhárjánupmi ja geavadis čájehuvvon jodíhanmáhrttu.

Eará go 1 ja 2 momeanttas oaivvilduvvon Meahciráððehusa virggiid dohkálašvuodagáibádussan lea ovddit doaimmaiguin čájehuvvon máhttu ja návccat, mat dárbašuvvojit virggi vuđolaš dikšumii.

31 §

Bargoveaga nammadeapmi

Meahciráððehusa beaivválaš jodiheaddji nammada ja eretcealká Eana- ja meahccedoallomínisterija ávalusa vuodul stáhtaráddi. Beaivválaš jodiheaddji nammaduvvo guhkimustá viđa jahkái. Ovdal nammadeami áššis galgá bivdojuvvet Birasministerija ja Meahciráððehusa cealkámuš. Eana- ja meahccedoallomínisterija miediha beaivválaš jodiheaddjái earu. Jos beaivválaš jodiheaddji eretcealká iežas dahje eretcelkojuvvo, de Eana- ja meahccedoallominis-

terija sahttá mearridit dohkálašvuodagáibádusaid deavdi olbmo dikšut gaskaboddosaččat beaivválaš jodiheaddji doaimmaid dassái, go beaivválaš jodiheaddji nammaduvvo.

Luonddubálvalushoavdda virgái nammada ja luonddubálvalushoavdda eretcealká stáhtaráddi Birasministerija árvalusa vuodul. Luonddubálvalushoavda nammaduvvo guhki-mustá viða jahkái. Ovdal nammadeami ássis galgá bivdojuvvot Eana- ja meahccedoalloministeriija sihke Meahcirádđehusa cealkámuš. Birasministerija miediha luonddubálvalushovdii earu.

Meahccegeavahanhoavdda virgái nammada Eana- ja meahccedoalloministeriija. Eana- ja meahccedoalloministeriija eretcealká meahccegeavahanhoavdda ja miediha dasa earu. Ovdal nammadeami ássis galgá bivdojuvvot Meahcirádđehusa ja Birasministerija cealkámuš.

32 §

Bargoveaga oassálastin

Meahcirádđehus sáhttá mearridit ahte dasa ii heivehuvvo ovttasdoaimmas stáhta virgebáik-kiin ja lágádusain addojuvvon láhka (1233/2013) muhto baicce ovttasdoaimmas fitnodagain addojuvvon láhka (334/2007). Konseardnaovttasbarggus Meahcirádđehuskonseartnas čuvvo-juvvo heivvolaš osiin, mii ovttasdoaimmas suopmelaš ja searvvušviidosaš fitnodatjoavkkuin addojuvvon lágas (335/2007) mearriduvvo.

Jos Meahcirádđehussii heivehuvvo ovttasdoaimmas fitnodagain addojuvvon láhka, de dat sahttá dahkat namuhuvvon lága 61 §:s oaivvilduvvon soahpmamuša.

9 lohku

Meahcirádđehusa ruhtadoallu, ruhtadoalloaloahpaheapmi ja ruhtadoallodárkkisteapmi

33 §

Ruhtadoallu ja ruhtadoalloaloahpaheapmi

Meahcirádđehus ja Meahcirádđehuskonseardna leaba ruhtadoallogeatnegasat. Jos dán lágas ii nuppeláhkai daddjojuvvo, de Meahcirádđehusa ja Meahcirádđehuskonseartna ruhtadollui ja ruhtadoalloaloahpaheapmái heivehuvvo, mii ruhtadoallolágas ja oasussearvelágas mearriduvvo oasussearvvi ruhtadoalus ja ruhtadoalloaloahpaheamis. Ovdalis 5 §:s oaivvilduvvon almmolaš hálddahusdoaimmaid dikšumis dollojuvvo sierra ruhtadoallu ja dahkojuvvo sierra ruhtadoalloaloahpaheapmi stáhtabušeahttalága (423/1988) ja stáhtabušeahettaásahusa (1243/1992) njuolggradusaid mielde.

Meahcirádđehusa ja Meahcirádđehuskonseartna ruhtadoallobadji lea kaleanddarjahki. Meahcirádđehus galgá dahkat guđege ruhtadoallobajis ruhtadoalloaloahpaheami, ja Meahcirádđehuskonseardna konseardnaruhtadoalloaloahpaheami guovvamánu loahpa rádjai. Meahcirádđehusa stivra ja beaivválaš jodiheaddji vuolláičálliba Meahcirádđehusa ja Meahcirádđehuskonseartna ruhtadoalloaloahpaheami. Meahcirádđehus ja Meahcirádđehuskonseardna gal-gaba doaimmahit ruhtadoalloaloahpahanášsegirjiid Eana- ja meahccedoalloministerijai.

Stáhtaráddi nanne Meahcirádđehusa ja Meahcirádđehuskonseartna ruhtadoalloaloahpaheami. Stáhtaráddi mearrida ruhtadoalloaloahpaheami vuodul Meahcirádđehusa vuottu boahtunmer-

kemis stáhtabušehtii sihke eará doaibmabijuin, maidda Meahciráddhehusa doaimma ja ekonomiija dihte lea dárbu álgit.

Stáhtarádi ásahusa vuodul addojuvvojít dárkilet njuolggadusat ruhtadoalloaloahpaheami nan-nemis. Stáhtakantuvra sáhttá dárbbu mielde addit mearrádusaid ja rávvagiid sierra ruhtadoalus ja ruhtadoalloaloahpaheamis sihke dieduid addimis stivrra jahkečilgehusa čohkkema várás.

34 §

Meahciráddhehusa balánsa

Go Meahciráddhehus doaibmagoahá, de stáhtaráddi mearrida Riikkabeivviid stáhtabušeahhta giedžhallama oktavuoðas addin fápmudusa vuodul Meahciráddhehusa hálldašanválldi vuollái sirdašuvvi stáhta opmodagas sihke das, man stuorra oassi opmodagas merkejuvvo Meahciráddhehusa vuodðooaiveopmodahkan, eará iežas oaiveopmodahkan dahje loatnaeavttuin addojuvvon opmodahkan. Vuodðooaiveopmodahkii gullevaš opmodat árvvoštallojuvvo heivvolá árvvu ektui.

Go doaibmi Meahciráddhehusa hálldašanválldi vuollái sirdojuvvo opmodat dahje go sirdojuvvo Meahciráddhehusa hálldašanválldi vuolláaš opmodat stáhta bušeahttadollui, de čuvvojuvvo sirdimis mearridettiin ja balánssa hábmedettiin 1 momeanta. Stáhtaráddi mearrida maiddái, man ulbmili eará iežas oaiveopmodahkii gullevaš opmodat čujuhuvvo.

Go sirdojuvvo Meahciráddheussii dahje Meahciráddhehusas stáhta bušeahttadollui giddodatopmodat, de Eana- ja meahccedoalloministeriija mearrida dakkár ovttaskas giddodatopmodaga dihto čuožáhaga dahje ollisvuoda sirdimis, man heivvolaš árvu lea eanemustá vihtha miljovnna euro. Jos jearaldat lea luonddusuodjaleami ollašuhttimii guoskevaš giddodatopmodaga sirdimis, de ášsis mearrida Birasministeriija. Stáhtaráddi mearrida dakkár ovttaskas giddodatopmodaga dihto čuožáhaga dahje ollisvuoda sirdimis, man heivvolaš árvu lea eanemustá logi miljovnna euro. Sirdin merkejuvvo fitnodatlágádusa eará iežas oaiveopmodaga lasáhussan dahje geahpádussan dahje loatnaeavttuiquin addojuvvon oaiveopmodahkan.

Giddodatopmodaga sirdimii Meahciráddhehusa ja stáhta eará fitnodatlágádusa gaskkas hei-vehuvvo stáhta giddodatopmodaga luohpadanlákha.

Meahciráddhehusa hálldašanválldi vuolláaš giddodaga, mas bealuštanfámuin dahje rádjegozihanlágádusas lea geavahanvuoigatuhta, ii oaččo luohpadit Eana- ja meahccedoalloministeriija dahje Meahciráddhehusa mearrádusa vuodul, jos Bealuštanministeriija dahje Sisášsiidministeriia ii guorras luohpadeapmái, jos stáhtaráddi ii ovttaskas dáhpáhusain nuppeláhkai mearrit.

Ovdalgo Meahciráddhehus dahká 1—3 momeanttas oaivvilduvvon mearrádusa, de Meahciráddhehusa ruhtadoallodárkkisteaddjít galget árvvoštallat opmodaga ja geatnegahyttiid ja daid árvvu sihke addit ášsis cealkámuša.

35 §

Ruhtadoallodárkkisteapmi

Eana- ja meahccedoalloministeriija ásaha Meahciráddhehusa hálldahusa, ekonomiija ja ruhtadoalu dárkkistit guokte ruhtadoallodárkkisteaddji guhkimustá njealje jahkái hávil. Ruhtadoallodárkkisteaddjiin nubbi galgá leat ruhtadoallodárkkistanlágas (1141/2015) oaivvilduvvon JHT-ruhtadoallodárkkisteaddji dahje ruhtadoallodárkkistansearvvuš, man váldovásttolaš ruhtadoallodárkkisteaddji galgá leat JHT-ruhtadoallodárkkisteaddji ja nubbi KHT-ruhtadoallodárkkisteaddji dahje ruhtadoallodárkkistansearvvuš, man váldovásttolaš ruhtadoallodárkkisteaddji galgá leat KHT-ruhtadoallodárkkisteaddji.

Meahciráddhehusa ruhtadoallodárkkisteaddjít galget dárkkistit Meahciráddhehusa ja Meahciráddhehuskonseartna ruhtadoallobaji hálldahusa, ruhtadoalu ja ruhtadoalloaloahpaheami. Jos

Meahciráđđehusas lea Meahciráđđehuskonservnii gullevaš nieidafitnodat, de Meahciráđđehus galgá fuolahit das, ahte nieidafitnodaga ruhtadoallodárkkisteaddjin válljejuvvo vejolašvuodaid mielde uhcimustá okta Meahciráđđehusa ruhtadoallodárkkististeaddjiin. Meahciráđđehusa ruhtadoallodárkkisteaddjis lea vuogatvuohta dárkkistit nieidafitnodaga dan viidodagas go son oaidná dan dárbašlažžan sihke oažžut nieidafitnodaga stivras ja beaivválaš jodiheaddjis iežas bivdin čielggadusaid ja veahki.

Ruhtadoallodárkkistančilgehusas galgá áinnas boahtit ovdan, leago Meahciráđđehusa:

1) hálldahus dikšojuvvon lága ja ásahusaid sihke Riikkabeivviid, stáhtarádi ja ministerijaid mearrádusaid sihke eará stivrenmearrádusaid mielde;

2) ruhtadoalloaloahpaheapmi ja konseardnaruhhtadoalloaloahpaheapmi dahkkojuvvon ruhtadoalloaloahpaheapmái guoskevaš njuolggadusaid ja mearrádusaid mielde sihke addetgo ruhtadoalloaloahpaheapmi, konseardnaruhhtadoalloaloahpaheapmi ja doaibmačilgehus rivttes ja doarvái vuđolaš dieđuid ruhtadoallobaji doaimmas, ekonomijas, ekonomalaš ovdáneamis ja ekonomalaš vásttuin;

3) siskáladas goziheapmi ja dárkkisteapmi lágiduvvvon áššáigullevaš vuogi mielde.

Meahciráđđehusa ruhtadoallodárkkisteaddji easttalašvuodas ja čiegusindoallangeatnegasvuodas lea fámus, mii almmosháldahusa ja -ekonomiija ruhtadoallodárkkistanlágas (1142/2015) mearriduvvo.

Stáhta ekonomiija dárkkistanvirgebáiki dárkkista Meahciráđđehusa ja Meahciráđđehuskonsearnta doaimma.

10 lohku

Sierra njuolggadusat

36 §

Vahátbuhtengetnegasvuohta

Meahciráđđehusa stivrra lahttua ja beaivválaš jodiheaddji leaba geatnegahahton buhttet dan vhága, maid soai leaba iežaska doaimmas dáhtul dahje fuollameahttunvuodas dagahan Meahciráđđehussii nu go oasussearvelágá 22 logus oasussearvvi njunnošiidda gullevaš olbmo vahátbuhtengetnegasvuodas mearriduvvo. Ruhtadoallodárkkisteaddji vahátbuhttenbuhttengetnegasvuodas mearriduvvo almmolaš háldahusa ja -ekonomiija ruhtadoallodárkkistanlágá 10 §:s.

Ovdalis 1 momeanttas oaivvilduvvon vhága buhttenváidaga bajideamis Meahciráđđehusa lohkui mearrida Eana- ja meahccedoalloministeriija. Váidinvuoigatvuoda boarásmuvvamii heivehuvvo, mii oasussearvelágá 22 logu 8 §:s mearriduvvo.

37 §

Áššáiosolažžan leahkin

Meahciráđđehus guoddá ja vástida stáhta beales sihke goziha duopmostuoluin, virggálaš oktavuodain ja doaimmahuasain stáhta beroštumiid ja vuogatvuodaid Meahciráđđehussii guoskevaš áššiin.

38 §

Ealáhagat ja eará ovddut sihke buhtadusat

Meahciráððehusa bargoveaga ealáhagat ja bálvalangaskavuða vuðul bargovehkii máksit oaivvilduvvon eará ovddut ja buhtadusat sihke bálvalangaskavuðas boahtti bargoveaga oapmahaččaid beará sealáhagat máksojuvvojít stáhta rudain dan mielde, mii dáin ovdduin ja buhtadusain sierra mearriduvvo.

Beaivválaš jodiheaddji ealáhatvuogatvuhta ja 1 momeanttas oaivvilduvvon eará ovddut ja buhtadusat mearrašuvvet seamma vuogi mielde go Meahciráððehusa bargoveaga vástideaddji ovddut ja buhtadusat.

Ovdalis 1 ja 2 momeanttas oaivvilduvvon ovddut ja buhtadusat sihke daid dikšumis stáhta máksinággalága mielde mearrašuvvi máksu berrojuvvo Meahciráððehusas, jos ovdduid, buhtadusaid dahje móvssu bearramis dahje ovdduid ja buhtadusaid dikšuma dagahan bálvalushat-tiin ii eará sajis nuppeláhkai mearriduvvo.

39 §

Ráððádallangottit

Meahciráððehusa hálldašanválldi vuollásaš stáhta guovluid geavaheapmái guoskevaš mearrádusdahkama veahkkin báikkálaš olbmuid sajádaga vuhtii váldin dihte ja doaimmaid ok-tiiveheami ovdddidan dihte leat eanagotti dahje guovllu dási ráððádallangottit.

Sámiid ruovttuguvlui ollásit gullevaš gildii ásahuvvojít gielddalaš ráððádallangottit, maid bargun lea giedahallat stáhta eana- ja čáhceguovlluid sihke daidda gullevaš luondduriggoda-gaid bistevaš geavaheami ja dikšuma.

Ráððádallangottiid doaimmain, čoakkádusas, doaibmabajis, ásaheamis ja daid ságadoalliiid ja lahtuid bálkkáin sihke goluid buhttemis addojuvvojít dárkilet njuolggadusat stáhtarádi ása-husa vuðul.

11 lohku

Fápmuiboahtin- ja sirdašuvvannjuolggadusat

40 §

Fápmuiboahtin

Dát láhka boahtá fápmui cuonómánu 15. beaivve 2016.

Dán lága vuðul gomihuvvo Meahciráððehusas addojuvvon láhka (1378/2004), maŋjelis gomihuvvon láhka.

41 §

Mearreágái heivehit oaivvilduvvon ásahusat

Meahciráððehussii heivehuvvojít ainge guhtta mónotbaji dán lága fápmuiboahtimá maŋjá gomihuvvon, stáhta fitnodatlágádusain addojuvvon lága (1185/2002) vuðul addojuvvon

čuovvovaš ásahusat, jos dán lága vuodul addojuvvon stáhtarádi ásahusa vuodul ii nuppeláhkai mearriduvvo:

- 1) stáhta fitnodatlágadusaïd loatnaváldima rájiin ja eavttuin addojuvvon stáhtarádi ásahus (21/2003);
- 2) stáhta fitnodatlágadusaïd ruhtadoalus ja ruhtadoalloaloahpaheamis addojuvvon stáhtarádi ásahus (160/2004); ja
- 3) stáhta fitnodatlágadusaïd eará doaimma sierra ruhtadoalus ja sierra ruhtadoalloaloahpaheamis addojuvvon stáhtarádi ásahus (1402/2004).

42 §

Sirdašuvvannjuolggadusat

Meahciráddéhussii lágas dahje ásahusas mearriduvvon dahje daid vuodul addojuvvon doaimmat sihke dasa gullevaš vuigatvuodat ja geatnegahttimat sirdašuvvet dán lága mielde doaibmi Meahciráddéhussii.

Gomihuvvon lága mielde ásahuvvon Meahciráddéhusa stivra joatká dán lágas oaivvilduvvon vuogi mielde Meahciráddéhusa stivran dassái, go dán lága mielde doaibmi stivra lea ásahuvvon.

Gomihuvvon lágas oaivvilduvvon Meahciráddéhusa beaivválaš jođiheaddji doaibmá Meahciráddéhusa gaskaboddosaš beaivválaš jođiheaddjin dassái, go stáhtaráddi nammada dán lágas oaivvilduvvon beaivválaš jođiheaddji. Gomihuvvon lágas oaivvilduvvon Meahciráddéhusa luonddubálvalushoavda doaibmá Meahciráddéhusa gaskaboddosaš luonddubálvalushoavdan dassái, go stáhtaráddi nammada dán lágas oaivvilduvvon luonddubálvalushoavdda.

Go dát láhka boahtá fápmui, de Meahciráddéhusa meahcgegeavahanhoavda sirdašuvvá dán lágas oaivvilduvvon meahcgegeavahanhoavdan.

Meahciráddéhusa virgegaskavuoðas doaibmi bargovehkii heivehuvvo, mii stáhta virgeolmósłága (750/1994) 5 a—5 c §:s mearriduvvo virgegaskavuoðas ja virggiin.

Meahciráddéhusa bargosoahpamušgaskavuoðas doaibmi bargoveahka sirdašuvvá dán lága fápmui boadedettiin dán lágas oaivvilduvvon Meahciráddéhusa bálvalussii. Mearreáigásáš bargosoahpamušgaskavuoðas doaibmi olmmoš sirdašuvvá Meahciráddéhusa bálvalussii iežas mearreáigásáš bargogaskavuoða bistenáigái.

Sirdašuvvi bargoveaga bálvalangaskavuoðta gehččojuvvo bálvalangaskavuhtii guoskevaš ovdduid mearrašumi hárrái joatkašuvvan stáhta bálvalusas boatkankeahattá.

Bargosoahpamušgaskavuoðas doaibmi olmmoš sáhttá sirdojuvvot su guorraseami haga, jos son sirdojuvvvo iežas barggusjohtinguvllus dahje iežas barggusjohtinguvlui. Barggusjohtinguvlluin oaivvildit bargguhisvuodadorvolága (1290/2002) I logu 9 §:s daddjojuvvon guovllu.

Dán lágas oaivvilduvvon Meahciráddéhus čuovvu dan vuodđudettiin guston virgeeak-tosoahpamuša ja bargoeaktosoahpamušaid mearrádusaïd, nugo bargoeaktosoahpamušlága (436/1946) 5 §:s mearriduvvo.

Bargosoahpamušgaskavuoða eavttuide heivehuvvo eará osiin, mii dain bargoeaktosoahpamušain sohppojuvvvo dahje lágas mearriduvvo.

Ovdal dán lágá fápmuiboahntima dáhpáhuvvan dahkui dahje healbadeapmái vuodđuduvvi vahátbuhadussii heivehuvvojít dán lágá fápmui boadedettiin guston njuolggadusat.

43 §

Ásahusaddinvuoigatvuohtra

Stáhtarádi ásahusa vuodul sáhttá addit dárkilet njuolggadusaid Meahciráddéhusa vuosttas ruhtadoallobabjis ja dasa guoskevaš ruhtadoalus, ruhtadoalloaloahpaheamis ja doaibmačilge-

234/2016

husas, sierra ruhtadoalus ja sierra ruhtadoalloahoahpaheamis, stivrra čoakkádusas, doaimmain, ásaheamis, mearridanválddis ja lahtu dohkálašvuodás, beaivválaš jodiheaddjis sihke stivrra lahtuid ja ruhtadoalloodárkkisteaddjiid bálkkáin.

Helssegis cuonjománu 8. beaivve 2016

Dásseválddi Presideanta

Sauli Niinistö

Ealáhusministtar Olli Rehn